



საქართველო
ლანჩხუთის მუნიციპალიტეტის
მერია



2800

ქ. ლანჩხუთი კოსტავას ქ. N37

Lanchkhuti@yahoo.com

N 1540
22/03/2019

1540-09-2-201903221147



ლანჩხუთის მუნიციპალიტეტის საკრებულოს

თავმჯდომარეს ბატონ ბესიკ ტაბიძეს

ბატონო ბესიკ,

თქვენი 2019 წლის 19 მარტის N106 მომართვაში დაფიქსირებული ინიციატივის, საკრებულოს ბიუროს 2019 წლის 18 მარტის ერთობლივი გადაწყვეტილებისა და საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის რეკომენდაციის შესაბამისად, შემდგომი მსჯელობისათვის გეგზავნებათ „არასამეწარმეო (არაკომერციული) იურიდიული პირის ლანჩხუთის მუნიციპალიტეტის „სპორტული ცენტრის“ (საიდენტიფიკაციო ნომერი 433642178) რეორგანიზაციაზე მერისათვის თანხმობის მიცემის შესახებ“ და „არასამეწარმეო (არაკომერციული) იურიდიული პირის ლანჩხუთის მუნიციპალიტეტის „საფეხბურთო სკოლის“ დაფუძნებაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულებების პროექტები.

ამასთან, გიგზავნით მერიის საფინანსო-საბიუჯეტო სამსახურის მოსაზრებას აღნიშნულ საკითხთან დაკავშირებით.

პატივისცემით,

ალექსანდრე სარიშვილი

ა. სარიშვილი

მუნიციპალიტეტის მერი
ხელმძღვანელობა



ლანჩხუთის მუნიციპალიტეტის მერიის
საფინანსო-საბიუჯეტო
სამსახური

2800

ქ. ლანჩხუთი კოსტავას ქ. N37

Lanchkhuti@yahoo.com

N 403
19/03/2019

403-09-3-201903191633



ლანჩხუთის მუნიციპალიტეტის მერს

ბატონ ალექსანდრე სარიშვილს

ბატონო ალექსანდრე,

ლანჩხუთის მუნიციპალიტეტის მერის 2018 წლის 5 მარტის N158 ბრძანების საფუძველზე განხორციელდა ა(ა)იპ „ლანჩხუთის მუნიციპალიტეტის საფეხბურთო სკოლის“ რეორგანიზაცია და შეერწყა ა(ა)იპ „ლანჩხუთის მუნიციპალიტეტის სპორტულ ცენტრი“-ს.

ამჟამად კვლავ ისმება ა(ა)იპ „საფეხბურთო სკოლის“ ა(ა)იპ „ლანჩხუთის მუნიციპალიტეტის სპორტულ ცენტრი“-დან გამოყოფის საკითხი, რაც ამ ეტაპზე არ არის მართებული იმის გამო, რომ რეორგანიზაციიდან ერთი საფინანსო წელიც არ არის გასული. ასევე საფინანსო წლის შიგნით ერთი იურიდიული პირის ორ იურიდიულ პირად ჩამოყალიბება გამოიწვევს ხარჯების ზრდას. ამასთან, გამოყოფის ორგანიზატორებს არ აქვთ წარმოდგენილი განსახილველად ახალი ორგანიზაციის სტრუქტურა და არ არის გაწერილი ხარჯები, რათა მოხდეს დეტალური ანალიზი.

თუ მუნიციპალიტეტის ხელმძღვანელობა მიზანშეწონილად ჩათვლის რეორგანიზაციას, ამ შემთხვევაში შესაბამისი დასკვნის საფუძველზე 2020 წლის ბიუჯეტის ფორმირების პროცესში უნდა განხორციელდეს ახალი ა(ა)იპ-ის შექმნა, რაც თავის მხრივ შეთანხმებული იქნება ზემდგომ სტრუქტურებთან.

პატივისცემით,

როლანდი ლაშხია

პირველადი სტრუქტურული ერთეულის ხელმძღვანელი

საფინანსო-საბიუჯეტო სამსახური

ლანჩხუთის მუნიციპალიტეტის საკრებულო
განკარგულება N

2019 წლის მარტი
ქ. ლანჩხუთი

არასამეწარმეო (არაკომერციული) იურიდიული პირის ლანჩხუთის მუნიციპალიტეტის
„საფეხბურთო სკოლის“ დაფუძნებაზე მერისთვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.ბ“ ქვეპუნქტისა და 61-ე მუხლის პირველი და მეორე ნაწილების შესაბამისად,

მუხლი 1. მიეცეს თანხმობა ლანჩხუთის მუნიციპალიტეტის მერს დააფუძნოს არასამეწარმეო (არაკომერციული) იურიდიული პირის ლანჩხუთის მუნიციპალიტეტის „საფეხბურთო სკოლა“.

მუხლი 2. განკარგულება შეიძლება გასაჩივრდეს ოზურგეთის რაიონულ სასამართლოში, მისამართზე ქ. ოზურგეთი, ი. სიორიძის ქ. N14 მისი ამოქმედებიდან ერთი თვის ვადაში საქართველოს „ადმინისტრაციული საპროცესო კოდექსის“ მე-8 თავის 22-ე მუხლის მე-3 ნაწილის შესაბამისად.

მუხლი 3. განკარგულება ძალაშია გამოქვეყნებისთანავე.

საკრებულოს თავმჯდომარე

ბესიკ ტაბიძე

არასამეწარმეო (არაკომერციული) იურიდიული პირის ლანჩხუთის მუნიციპალიტეტის „საფეხბურთო სკოლის“ წესდება

1. არასამეწარმეო (არაკომერციული) იურიდიული პირი ლანჩხუთის მუნიციპალიტეტის „საფეხბურთო სკოლა“ (შემდგომში –სკოლა) არის საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ტ“ ქვეპუნქტისა და საქართველოს სამოქალაქო კოდექსის 1-ლი კარის მეორე თავის საფუძველზე შექმნილი, არასამეწარმეო (არაკომერციული) იურიდიული პირის ლანჩხუთის მუნიციპალიტეტის „სპორტული ცენტრის“ (საიდენტიფიკაციო ნომერი 433642178) დაყოფის შედეგად წარმოქმნილი დაწესებულება.

2. სკოლა თავისი საქმიანობისას ხელმძღვანელობს საქართველოს კონსტიტუციითა და კანონებით. საქართველოს პრეზიდენტის, საქართველოს მთავრობის შესაბამისი სამართლებრივი აქტებითა და სხვა კანონქვემდებარე სამართლებრივი აქტებით.

3. მასზე დაკისრებულ მოვალეობათა შესრულებისათვის სკოლა პასუხისმგებელია დამფუძნებლის წინაშე.

4. სკოლა შექმნილია განუსაზღვრელი ვადით.

5. სკოლა არის იურიდიული პირი. აქვს დადგენილი წესით რეგისტრირებული მრგვალი ბეჭედი საკუთარი სახელწოდების აღნიშვნით. აგრეთვე შტამპები, ბლანკები, დამოუკიდებელი ბალანსი და სათანადო ანგარიში ბანკში.

6. სკოლა საკუთარი სახელით ახორციელებს თავის უფლებებსა და მოვალეობებს, ამყარებს საქმიან კონტაქტებს, როგორც საქართველოს, ასევე უცხოეთის ფიზიკურ პირებთან, დებს გარიგებებს, საკუთარი სახელით შეიძლება გამოვიდეს მოსარჩელედ/მოპასუხედ სასამართლოში.

7. სკოლის იურიდიული მისამართია : -----

მუხლი 2. სკოლის მიზნები და ამოცანები

1. სკოლის ძირითადი მიზნები და ამოცანებია:

ა) ბავშვთა და მოზარდთა მაქსიმალური რაოდენობის ჩაბმა სისტემატურ სპორტულ-გამაჯანსაღებელ მოძრაობაში, სკოლის პროფილის შესაბამისად მათი მეთოდური აღზრდა და დაოსტატება;

ბ) ცხოვრების ჯანსაღი წესის პროპაგანდა და მისი დამკვიდრება, მოზარდ თაობაში მასობრივი სპორტის განვითარება;

გ) სელექციის მეშვეობით შერჩეული პერსპექტიული ჭაბუკი ფეხბურთელების მზადების წლიური საწვრთნელი პროცესის ორგანიზება და ნაკრები გუნდებისათვის რეზერვის მომზადება, შესაბამისი მატერიალურ-ტექნიკური და საწვრთნელი ბაზის შექმნა.

დ) თანამედროვე საწვრთნელი პროცესის დანერგვით, საკუთარ სპორტულ ღონისძიებათა კალენდარის შემუშავებითა და შესრულებით, სპორტული რეზერვების მომზადების ეფექტური სისტემის შექმნა;

2. თავისი მიზნებისა და ამოცანების შესასრულებლად სკოლა ეტაპების შესაბამისად ახორციელებს შემდეგ სასპორტო-საწვრთნელ საქმიანობას:

ა) პირველი (დაწყებითი) ეტაპის –საერთო ფიზიკური და დაწყებითი მომზადება მოიცავს:

ა.ა. ჯანსაღი ცხოვრების წესის აღქმასა და უნარ-ჩვევების გამომუშავებას, სპორტულ პატრიოტული სულის ჩამოყალიბებას;

ა.ბ. ფეხბურთელთა მომზადებას შემდგომ საწვრთნელ ეტაპზე გადასასვლელად;

ბ) მეორე (საბაზო-საორიენტაციო) ეტაპის საწვრთნელი-სასპორტო საქმიანობა მოიცავს:

ბ.ა. პირველ (დაწყებით) ეტაპზე შეძენილი ცოდნისა და ფიზიკური ვარჯიშების სრულყოფასა და ფიზიკური კონდიციების ამაღლებას;

ბ.ბ. შესაბამისი უნარ-ჩვევების გაღრმავებას;

ბ.გ. სპორტულ ღონისძიებებში მონაწილეობას;

ბ.დ. დამოუკიდებლად წვრთნის უნარ-ჩვევების გამომუშავებას;

ბ.ე. ფეხბურთელთა მომზადებას შემდგომი წვრთნის ეტაპზე გადასასვლელად;

გ) მესამე(საშუალო) ეტაპის სპორტული დახელოვნებისა და სრულყოფის სასპორტო საქმიანობა მოიცავს:

გ.ა. წვრთნის პროცესის აქტივაციას;

გ.ბ. შეძენილი სპორტული მომზადების, სპორტული ცოდნისა და უნარ-ჩვევების რეალიზებას;

გ.გ. სპორტულ შეჯიბრებებზე მაქსიმალურად მაღალი შედეგების მისაღწევად მომზადებას;

გ.დ. ფეხბურთელთა მომზადებას შემდგომი წვრთნის ეტაპზე გადასასვლელად;

დ) მეოთხე (უმაღლესი) ეტაპის-უმაღლესი სპორტული დაოსტატების სასპორტო საქმიანობა მოიცავს:

დ.ა. მაღალი სპორტული შედეგების ჩვენებას, როგორც ეროვნულ ასევე საერთაშორისო შეჯიბრებებზე, მათ შორის ევროპის, მსოფლიოსა და ოლიმპიურ თამაშებზე;

დ.ბ. ფეხბურთელთა მზადებას ეროვნული ნაკრები გუნდების წევრობის ან წევრობის კანდიდატობისათვის;

3. სკოლის სასპორტო-საწვრთნელი პროცესის ძირითად ფორმას წარმოადგენს სხვადასხვა რანგის შეჯიბრებებში და სასწავლო-საწვრთნელ შეკრებებში მონაწილეობა (როგორც საქართველოში, ისე მის ფარგლებს გარეთ).

4. ცენტრის მიზანია ახალგაზრდა, პერსპექტიული ფეხბურთელების გამოვლენა, მათი აღზრდა-განვითარებისათვის ნორმალური პირობების შექმნა, ცხოვრების ჯანსაღი წესის დანერვა და ფეხბურთის პოპულარიზაცია.

5. ცენტრი თავის საქმიანობას წარმართავს საქართველოს ფეხბურთის ფედერაციის მიერ დაგეგმილი სტანდარტებით და აღნიშნულ სფეროებში მოქმედი კანონმდებლობით.

მუხლი 3. სკოლის მართვა

1. სკოლის დამფუძნებელია ლანჩხუთის მუნიციპალიტეტი. მერი ლანჩხუთის მუნიციპალიტეტის საკრებულოს თანხმობით იღებს გადაწყვეტილებებს სკოლის შექმნისა და გაუქმების შესახებ. წესდებას ამტკიცებს და მასში ცვლილებები შეაქვს ლანჩხუთის მუნიციპალიტეტის მერს. ცენტრის დამფუძნებლის სახელით მოქმედებს მუნიციპალიტეტის მერი, რომელიც:

ა) თანამდებობაზე ნიშნავს და ანთავისუფლებს სკოლის დირექტორს;

ბ) აძლევს თანხმობას წარმოდგენილ სკოლის სტრუქტურის და სამტატო განრიგის დამტკიცებაზე;

2. სკოლის დირექტორი:

ა) წარმართავს სკოლის ორგანიზაციულ, ფინანსურ, სამეურნეო, ადმინისტრაციულ საქმიანობას და პასუხისმგებელია ამ საქმიანობაზე;

ბ) ამტკიცებს სკოლის ბიუჯეტს;

გ) ლანჩხუთის მუნიციპალიტეტის მერთან შეთანხმებით ამტკიცებს სკოლის სტრუქტურას და სამტატო განრიგს;

დ) მინდობილობის გარეშე წარმოადგენს სკოლას ყველა ინსტანციაში, გასცემს მინდობილობებს, დებს გარიგებებს;

ე) კანონით დადგენილი წესით განაგებს და განკარგავს სკოლის სახსრებს, მასვე ეკისრება პასუხისმგებლობა სკოლის საკუთრებაში (სარგებლობაში) არსებულ ქონებაზე;

ვ) თანამდებობაზე ნიშნავს და ათავისუფლებს სკოლის თანამშრომლებს, საქართველოს შრომის კოდექსით დადგენილი წესით აფორმებს შრომით ხელშეკრულებებს თანამშრომლებსა და დროებით მოწვეულ სპეციალისტებთან;

ზ) იღებს გადაწყვეტილებებს თანამშრომელთა წახალისებისა და დისციპლინური პასუხისმგებლობის შესახებ;

თ) კომპეტენციის ფარგლებში გამოსცემს ინდივიდუალურ-სამართლებრივ აქტებს;

ი) შეიმუშავებს და ამტკიცებს სკოლის შინაგანაწესს.

3. სკოლის დირექტორი ანგარიშვალდებულია ლანჩხუთის მუნიციპალიტეტის მერის წინაშე. სკოლის დირექტორის არყოფნის შემთხვევაში მის მოვალეობას ასრულებს სკოლის ერთ-ერთი **თანამშრომელი**, რომელსაც მერთან შეთანხმებით დირექტორის მოვალეობის შესრულებას აკისრებს სკოლის დირექტორი.

4. ცენტრის თანამშრომელთა უფლება-მოვალეობანი განისაზღვრება შინაგანაწესით.

მუხლი 4. სკოლის ქონება, დაფინანსება, ანგარიშგება

1. სკოლას თავისი მიზნებისა და ამოცანების განსახორციელებლად უსასყიდლო უზურფუქტის ფორმით გადაეცემა მუნიციპალური ქონება.

2. სკოლის დაფინანსების წყაროა:

ა) ლანჩხუთის მუნიციპალიტეტის ბიუჯეტიდან გამოყოფილი მიზნობრივი სახსრები;

ბ) გრანტისა და შემოწირულობების სახით მიღებული შემოსავალი,

გ) აგრეთვე საკუთარი შემოსავალი;

დ) საქართველოს კანონმდებლობით ნებადართული სხვა შემოსავალი;

მუხლი 5. საქმიანობა, რომელიც საჭიროებს თანხმობას

სკოლას შეუძლია მხოლოდ ლანჩხუთის მუნიციპალიტეტის მერის თანხმობით განახორციელოს შემდეგი ქმედებები:

ა) უძრავი ქონების შეძენა, გასხვისება;

ბ) სესხის აღება;

გ) თავდება;

დ) სხვა გადაწყვეტილებები, რომლებიც სცილდება ჩვეულებრივი საქმიანობის ფარგლებს.

მუხლი 6. კონტროლი

სკოლის საქმიანობის კანონიერებას, მიზანშეწონილობას და საფინანსო-ეკონომიკურ საქმიანობას აკონტროლებს მუნიციპალიტეტის მერი უშუალოდ, აგრეთვე მისდამი დაქვემდებარებული სამსახურების მეშვეობით.

მუხლი 7. სკოლის რეორგანიზაცია და ლიკვიდაცია

სკოლის რეორგანიზაციასა და ლიკვიდაციას, კანონმდებლობით გათვალისწინებულ შემთხვევებში და დადგენილი წესით ლანჩხუთის მუნიციპალიტეტის საკრებულოს თანხმობით ანხორციელებს მერი.

მუხლი 8. დასკვნითი დებულებები

წესდებაში ცვლილების შეტანა ხდება ლანჩხუთის მუნიციპალიტეტის მერის მიერ საქართველოს კანონმდებლობით დადგენილი წესით.

ლანჩხუთის მუნიციპალიტეტის საკრებულო
განკარგულება N

2019 წლის მარტი
ქ. ლანჩხუთი

არასამეწარმეო (არაკომერციული) იურიდიული პირის ლანჩხუთის მუნიციპალიტეტის
„სპორტული ცენტრის“ (საიდენტიფიკაციო ნომერი 433642178) რეორგანიზაციაზე
მერისათვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსის“
54-ე მუხლის პირველი პუნქტის „დ.ბ“ ქვეპუნქტისა და 61-ე მუხლის პირველი და მეორე
ნაწილების შესაბამისად,

მუხლი 1. მიეცეს თანხმობა ლანჩხუთის მუნიციპალიტეტის მერს განახორციელოს
არასამეწარმეო (არაკომერციული) იურიდიული პირის ლანჩხუთის მუნიციპალიტეტის
„სპორტული ცენტრის“ (საიდენტიფიკაციო ნომერი 433642178) რეორგანიზაცია.

მუხლი 2. განკარგულება შეიძლება გასაჩივრდეს ოზურგეთის რაიონულ
სასამართლოში, მისამართზე ქ. ოზურგეთი, ი. სიორიძის ქ. N14 მისი ამოქმედებიდან ერთი
თვის ვადაში საქართველოს „ადმინისტრაციული საპროცესო კოდექსის“ მე-8 თავის 22-ე
მუხლის მე-3 ნაწილის შესაბამისად.

მუხლი 3. განკარგულება ძალაშია გამოქვეყნებისთანავე.

საკრებულოს თავმჯდომარე

ბესიკ ტაბიძე